

Lislaoongã.

Toagsg sên kuvug koεεga sên wilgd
Lislaoongã wεεngẽ, wala a sên wa
Alkurāan wagellã la Nabiyaamã sūnnoh
puga



نبذة موجزة عن الإسلام (بدون أدلة) - موري



بيان الإسلام
Bayan AL-Islam



ح) جمعية خدمة المحتوى الإسلامي باللغات ، ١٤٤٥ هـ

جمعية خدمة المحتوى الإسلامي
نبذة موجزة عن الإسلام (مجردة من الأدلة) - موري. / جمعية
خدمة المحتوى الإسلامي - ط. ١. - الرياض ، ١٤٤٥ هـ
٢٠ ص ؛ ..سم

رقم الإيداع: ١٤٤٥/٢٢٤٢٤
ردمك: ٩٧٨-٦٠٣-٨٤٤٢-٩٧-٥

Partners in Implementation



Content
Association



Rowad
Translation



Rabwah
Association



Byenah

This publication may be printed and disseminated by
any means provided that the source is mentioned and
no change is made to the text.

Tel : +966 50 244 7000

info@islamiccontent.org

Riyadh 13245-2836

www.islamiccontent.org

Lislaongã.

Toagsg sên kuvg koεεga sên wilgd
Lislaongã wεεngē, wala a sên wa
Alkurāan wagellã la Nabiyaamã sūnnah
puga

**(Wānde yaa yiisgu, (Kopu) b sên n yāk
daliil-rāmbã n base) [1]**

Yaa gaf sên be suka, a gūbga wīnig-rāmba sên
kuvg keooga n wīngd Lislaongã sên yaa a
soaba, n vēnegd a yēg nins sên tug n pak n
yuda, la a saglsã, la a sōmblemã, n yōnged n
yit a tigsg nins sên yaa yēgã, yēnda me la
Alkurāan wagellã la Nabiyaamã Sūnnah, la
gafã a togenda Šari tuuma sên zao b rāmb fãa
gilli (Baqligsã) sên yaa b lislaamba la sên ka b
lislaamba, ne bāmb buudã goam, b sên be zīg
ning fãa la zāmaan ning fãa, b yelã la b
alhaadã sên tug n yōs taab fãa gilli.

**Ne Wënd Yuurã Albarka, sën yaa
Dūni yols zāng naabã, n leb yaa Sid-
kõatbã welg n yols naabã**

1- Lɪslaoongã yaa Wënd tēn-tumde n tug neba fãa gill nengē, rēnd yēnda la Wënd tēn-tumd ning sēn duumdã.

2-La lɪslaoongã ka dīin sēn welge n kō buud toore maa neb toor ye, ad a yaa Wënd dīin n kō neba fãa gill kep.

3- Lɪslaoongã la Wënd tēn-tumd ninga sēn wa n pids nabiyaam-rãmbã la tēn-tuumbã sēn reng taoore tēn-tumã, ti tug b nebē wã puusg la tulgr be b yīnga.

4-Nabiyaaam-rãmbã, -tulgr be b yīnga- b dīinã yaa a yembr tãa, la b tūudmã soya yōsa taaba.

5-Lɪslaoongã boondame n tugdē wala nabiyaaam-rãmbã fãa sēn boolã, a Nuuh la a [braahum la a Muusa la a Sulaymaan

la a Daawuud la a [ɪsa -tulgr be b zugu- n tugd sid-kūuni (lumaoongo) ti ad Soabã,

Yëndā la Wēnde, sēn yaa Naandā, n yaa Rulgdā, sēn vumsda la A kuudā, sēn yaa Naamā Soaadā, Yëndā me n rabsd yelā, Yē me yaa nimbāan-Zoata, n yaa Yolsda.

6- Wēnde, A Naam yulgame, Yēnda la Naandā, Yē n sōmb ne tūudmā Yē a yembr tāa, la b ra tug n tū n lagem-A zēng sēn ka Yē ye.

7- Wēnd la Naanda būmb ninga sēn be dūni wā fāa pugē, tōnd sēn ne la d sēn pa ne wā, la zēng sēn ka Yē fāa yaa bōn-naandga sēn be A bōn-naandsā pugē, la Wēnd naana saasā la tēngā rasem a yoob pugē.

8- La Wēnde, A Naam yulgame n zēke, A ka tar lagem-n-taaga A Naamē wā maa A naanegē wā ye, maa A rabsdgē wā maa A tūudmē wā.

9- La Wēnde, A Naam yulgame, A ka roge, b ka rog-A, A ka tar mams-n-taaga, A ka tar bils-n-taaga.

10- La Wēnde, A Naam yulgame n zēke, A ka sigd būmb pugē ye, A ka lebd būmb me n rik a

yīng ye, sēn yaa būmb ning fāa sēn be A bōn-naandsē wā:

11- Wēnde, A Naam yulgame n zēke, A yaa nimbāan-Zoeta n yaa Yolsda ne A yembsā, rē n kit t'A tum tēn-tuumbā, la A sik Gaf-rāmbā.

12- Wēnd la Soabā sēn yaa Yolsdā, Yēnd A Yembr tāa n na n geel yembsā Dūni wā yikr raarā, wakat ning A sēn na n yik-b fāa b yaadē wā, n rol ned fāa a sēn tumā, sōma la wēnga. Rēnd ned ning sēn tuma tuum sōma t'a yaa sūd-kōta rēnd yē soab tara neema sēn duumdā, la ned ning sēn kifla la a tum wēnga, yē tara nang sēn yaa bedre, yaoolem raarā.

13- Wēnde, A Naam yulgame n zēke, A naana a Adama ne tom, n maan a koambā tu b fugdē rē loogr poorē, rēnd nebā fāa gilli, b yēgrā yaa yembre, yudlem ka be ne buudu, buud a to zug ye, ka be ne neb me, neb a taab zugu, sā n ka ne Wēn-zoεεg bala.

14- La biig fāa rogda Fitrā wā (dīinā) zugu.

15- La ned ka be ninsaalbā pugē n rogdē t'a yaa tudgda, maa a ruk a to tudgr faad ye.

16- La nebā naanegā vōor yaa: Wēnd tūudum yīnga Yē A Yembre:

17- Lislaoongā waooga ninsaala- b raopa la pagba- la a leb n kō-a a hake-rāmb gilli, la a maan-a ti b na n sok-a a sēn tūus yel ninsā fāa gilli, la a tuumā fāa gilli, la a manesmā fāa, la a rogend-a tuum ning fāa sēn namsd a mengā ne-a, maa sēn namsd neb a taabā.

18- La Lislaoongā maana raoa la paga ti b yaa yembre, sã n yaa ne tuumã wεengē, la rolbã la yel-sōmdã wεengē

19- Lislaoongā waooga paga, la a maan ti pagbã b yaa raopa booga, la a rogl raoã t'a rulgr-a t'a sã n yaa tōoda, rēnd bi-pugl rulgre yaa tilae n zao a ba wã, ti ma wã rulgr zao a biigã t'a sã n yaa kāsma n tar tōogo, ti pag rulgr zao a sūdã.

20- La kūumã ka yēnda la sεeb ning sēn duumda ye, ayo, ad a yaa tedgre, n na n yi tuum zakē n kēng rolb zakē, la kūumã a rikda yīngã la yōorã fāa, la yōorã kūum yaa a sēn na wa welg n bas yīngã, rē poorē t'a lebg n wa a

yīngē wā, b sēn wat n yik nebā poore, dūni yikr raarā, la yōorā pa toeemd kūuma poore n long yīng a to ye, a leb n pa kēed yīng a to ye.

21-Lislaoongā boondame n tug tī b kō sīda ne lumaoongā (kō-sīdā) yēga sēn yaa bēd-bēdā, bāmb me la kō-sīd ne Wēnde, la malegsā, la Wēnd Gaf-rāmbā, wala Tawraatā, la Lingiilā, la Zabuurā - taor tī b na n ka toem-ba - la Alkurāanā, la kō sīda ne Nabiyaam-rāmbā fāa la Tēn-tuumbā, tulgr be b yīnga, la a leb n kō sīda ne b Pidsdā, yē me la a Muhammad sēn yaa Wēnd Tēn-tuumā, sēn yaa Nabiyaam-rāmbā la tēn-tuumbā Pidsdā. La a kō sīd ne Yaoolem raarā. La d bāng tī ad dūni vumā, sā n da yaa yē la tēka; mikdame tī vumā la belmā yaa būmb sēn yaa reem bala. La d leb n kō sīda ne Būdā la Pulengā.

22- La nabiyaam-rāmbā -tulgr be b yīnga- b gū-b lame n yi tudgri būmb ning fāa b sēn taasdā pugē tī yi Wēnd nengē wā, b leb n gū-b lame n yi tudgri sēn kēed ne būmb fāa sēn

yōsgd yam maa zug-sōngo, la nabiyaam-rāmbā, b rogl-b lame ti b taas Wēnd saglsā A yembsē wā. La nabiyaam-rāmbā b ka tar baa fu sēn yaa wala Rubuubiya (Wēndlem) maa Ulubhiya (Sobendem). Ka woto ye, bāmb pus n yaa yīng rāmb bala, n wōnd nebā fāa gilli, ti Wēnd tumsd ti kēngd b nengē A tēn-tumā.

23-La lslaoongā boondame n tugd Wēnd tūudum, A Yembre, ne tūud-rāmba yēg sēn yaa b bedā, bāmb me: la Puusgā, sēn yaa yasgo, la surbu (Rukuu), la suguudu la Wēnd Yuur tēegre, la A pēgbo la kosgo, ninsaal puusd-a-la raar fāa noor a nu, ti yud-taabā fāa se a pugē, rēnd rakāagre la talga la naaba la sēn ka naaba, fāa bee rulg a yembr zugu Puusgā pugē. La Zaka, yē me yaa sōor sēn yaa bilfu sēn yi arzekē wā, n zems ne sart-rāmba, la sōor ningā Wēnd sēn yāke, ti yaa tlae n be rakāagbā arzēgsē, ti b yiisd n kōt talse la zēng sēn ka bāmba. Yaa vugr tāa yuum pugē. La No-loeerā, yē me la yōk-m-menga n yi bōn-kaoodi Ramadaanā kiuug wīntoogā pugē, ti

yaa bumb sēn wubd yōorā ne raabo la sugri. La Hagiimdā, yē me la Wēnd Roogā toglgo, sēn be Mak tēn-wagellā pugē, vugri yōorā woglem pugē, ti rog sēn yaa tōogda, n tōe n kēnge, la hagiimdā pugē, nebā fāa zemsda taaba togle n tug Naandā nengē wā -A Naam yulgame- ti yudlemā sēn welgd neba ne taaba la yēgā fāa menemda beenē n lebg bumb a yembre.

24-La bumb sēn yaa zisg n yud sēn kōt tūud-rāmbā yuldlem lislaoongā pugē t'a yud a taabā, yaa t'a yalē wā, la a wakat-rāmbā, la a sart-rāmbā, yaa Wēnd n maan-ba -A Naam yulgame n zēke- la A sēn taas A Tēn-tuumā -

Wēnd puusg la A tulgr be a yīnga- ti ninsaalbā ka kēes b toaag a pugē, zem ti yaa paasgo maa boogre, n wa tāag rūnda, la tūud-kāensā fāa gill sēn yaa bed-beda, tēn-tuumbā fāa boolame n tug-a, tulgr be b yīnga.

25-Lislaoongā Tēn-tuumā, yē la a Muhammad sēn yaa a Abdullaah biiga, n yi a Ismaa'ul sēn yaa a [braahum biigā pendē,

puusg la tulgr be b yīnga, a roga Maka, yuum 571, nabi ļusa rogmā poorē, b tums-a lame t'a be Maka, t'a yik rē poorē n kēng Madiina, la a ka lagem a nebā rubsā tūub yelē ye, la a rag n yume n lagemd-ba tuum sōmbs a taaba sēn yaa waglā pugē, a rag n yume n be zugd sēn yaa zisd pugē, taoor ti b na n ka tums-a ye. La a nebā rag n yume n da boond-a t'a amiin (bas-m-yam soaba). Wēnd tums-a lame a sēn wa n ta yuum pis-naase (40). La Wēnd kenga

a boollā ne tagmas-rāmba (yel soalem-rāmba) sēn yaa zisdo, la b sēn tug n yuda yaa Alkurāan wagellā, yē me la nabiyaam-rāmba tagmas-rāmb zislem sēn tug n yuda, yē me la tagmas ning sēn pa, nabiyaam-rāmbā tagmas-rāmbē wā, n na n tug n tāag rūnda. La Wēnd sēn wa n tug n pids dīinā n kō-a wā, ti Nabiyaamā taas-a taasg tekā, a maana kaalem t'a yuuma yaa pis-yoob la a tāabo, la b mum-a-la Madiin sēn yaa Nabiyaamā tēngā, la Tēn-tuuma a Muhammad puusg la tulgr be a yīnga yē la nabiyaam-dāmba la tēn-

tuumbā Pidsda, Wënd tums-a la ne kändgre la sid dīnā bul yīng t'a yiis nebā rubsā la kuflmā la zulmā ligsā, n tug Wënd-yembgā la sid-kūuna vēnem, la Wënd maana kaset tu ad A tums-a lame t'a yaa boonda n tug A nengē ne Yē tōogo.

26-La lslaoongā Šari wā Tēn-tuum a Muhammad -Wënd puusg la A tulgr be a yīngasēn wa ne-a wā, yaa yēnd n pidsd Wënd tēntumā la A Šari-rāmba, yē me la Šari sēn pidi, nebā dīina la b dūni wā me manegr be a pugē, yē me gūusda: nebā b dīin-rāmba la b zirāmba la b arzēgsā la b yamā la b koambā, yē me n yēes Šari fāa sēn reng taoore, wala Šari-rāmb nins me sēn da reng taorā sēn yēes taabā.

27- La Wēnde, A Naam yulgame n zēke, a ka reegd dīin sā n ka lslaoongā dīin ye, ning Tēn-tuum a Muhammad -Wënd puusg la A tulgr be a yīngasēn wa ne wā. La ned ning sēn wa n tug n kē zēng sēn ka lslaoongā, A ka na n tol n reeg a yīng ye.

28- Alkurāan wagellā, yēnda la gaf ning
Wēnd sēn tums-a n tug Tēn-tuumā a

Muhammad nengē wā puosg la tigr be a
yīnga, yēnda me yaa bon-naands Naaba
goama, Wēnd geesa ninsalbā la zīn-dāmba tu
b wa ne a buudu, maa Suura sēn wōnd a
suura-rāmba buud bala, la geesgā ka bak n
ket n be n tāag rūnda, la b ka tōog n wa ne-a
ye. La Alkurāan wagellā, a leogsda sogsg
wusgo, sēn yirb neb tus-kēems wusgo. La
Alkurāan wagellā, yēnda yaa Wēnd sēn gū n yi
toeing buudu, n tug n wa tāag rūnda, ne
Laarabiimd ningā a sēn sig ne wā. Baa gom-bil
a yembr ka boog beenē ye, yaa būmb me sēn
wē n yiisi t'a sāeege, yaa gaf sēn yaa bedre n
ka tar to, ti sōmb ti b karem-a, maa b karem a
maana wā sēn lebg ne buud a taaba goamā,
wala Tēn-tuumā a Muhammade -Wēnd puosg
la A tigr be a yīnga- Sunna me, la a sēn wilg
yel ninsā la a vumā yellā, yē me yaa būmb b

sēn gūusi n tall-a n taas sēn tū ne Ruwaat
(toagsdb) n yaa b sēn maan-b rāmb bas-m-

yam, hal ti wa tug n ta tōndo, yē me yaa
būmb b sēn wē n yiis ne Laarabiimd ning Tēn-
tuumā -Wēnd puosg la A tulgr be a yīnga- sēn
goam a soabā, yaa būmb b sēn lebg ne buud
goam wusgo. La Alkurāan wagellā ne Tēn-
tuumā Sunnā -Wēnd puosg la A tulgr be a
yīnga- yaa bāmbā b yiibā la yēgr a yembr tāa
b sēn yākd lislaoongā Buudā la a Šari-rāmbā b
pugē, rēnd lislaoongā, b ka reegd-α neb nins
sēn yet ti b yaa lislambā manesmā pugē ye;
la ad b reegd-α lame n yi Wēnd wahiē wā:
Alkurāan wagellē wā la Nabiyaamā Sunnē wā.

29- La lislaoongā sagenda ne manegre n
tug roagdb a yiibā, baa ti b sā n yume n ka
moeemba, a leb n sagendame ti b rik na-kēng
sōngo ne koambā.

30- Lislaoongā sagenda ne tēeg-tirga goam
la tuum pugē, hal n tug n tāag ne beebā.

31-La lislaoongā sagenda ne manegre n tug
bōn-naandsā gilli, n leb n boondē n tugd zug
wagla la tuum sōmbse

32-La lslaamdā sagenda ne zug sōmbse, wala suda la bas-m-yam la boabl lebsgo la yōk-m-menga la yān-zoεga la raodo la kūuni la kō-yalengo, la tulsem-rāmbā sōngre la pakr sēn pak-b rāmb fāagre, la kom soab rulgre, la yak-n-taar manegre, la rogem tōkre, la maan bug-bug ne rūmsā.

33-Lislaoongā kōo sor ti b ri ri-ylmā fāa, sēn yaa rubo la bōn-yūudi, la a sagle ti b ylg sūyā la yīnga, la zaka, rē n kite t'a kō sor ne fur loεga, wala nabiyaam-rāmbā me sēn sagl ne rēnda, tulgr be b yīnga, bala b sagenda ne būmb fāa sēn yaa ylenga

34- La lislaoongā gidga haraam-dāmba yēgā, wala lagem-n-taar ne Wēnde, la kifēndo, la rubsā tūubu, la yeel Wēnd zugu ti ka tū ne bāngr ye, la koam kuvbo, la ku yōor ninga Šari wā sēn ka kō sore ti b ku, la sāoong tēngā puga, la tum saobo, la yel-beedo sēn vēneg la sēn solge, la yoobo, la raop kēed-n-taar ne taaba, la a gidg Riba'a, la a gidg guf wābre, la būmb ning b sēn kodge rubsā yīnga, la a gidg

kukur nemd wābre, la rēgd-rāmbā fāa gilli, la a gıdg kub arzek rubo, la boogre vugbē wā la magbē wā, la a gıdg rogem wāagre. La Nabiyaam-rāmbā fāa gill zemsa taaba ne haraam-kāensā gıdgre.

35- Lıslaoongā gıdgda zug-wēnse, wala zīri-beedo la zāambo, la pu-likla la belgre la sū-kiiri la rab-wēnse la wagdem la maan-n-zuuka la wēgdo, la a gıdgda zug-wēng buudā fāa gilli.

36- Lıslaoongā gıdgda ligda tum-n-taar ning rıbaag sēn be a pugē, maa namsgo, maa belgre, maa wēgdo, maa zāambo, maa a yıta sabab n wa ne sāanga la namsgo n gūbgd ne zāmā wā la nebā yembr-yembre.

37-Lıslaoongā waame n gūus yamā, la a gıdg būmb fāa sēn sāamd-a wala rāam yūubu, la Lıslaoongā zēka yamā yelle, n maan tı yaa yēnda la tuumā roglg zīiga, n yıdg-a n yi rogm-mikā la kifēndā bāense, la ka be lıslaamdā puga, sēn yaa yel-soandı maa yaa buudo n welg ne neb a taaba tı pa tū ne a taaba, ad a

Buud-rāmbā fāa la a Šari-rāmbā fāa yaa sēn zems ne yam sōmbsā, yē me yaa būmb sēn zems ne tēeg turgā la yam-bedrā.

38- La dīin yoodā, b pugdbā sā n ka bāng būmb ning sēn be a pugē sēn kUSD taabā, la yel nins sēn ka kēed yamā: la dīinā taoor-

rāmb sēn liibd pugdbā n yetē: tī ad dīinā a yuda yam tagsgo, la yam ka tar zīiga dīinā fasēng pugē ye. La sā n yaa lslaoongā, a rīka dīinā tī yaa vēnem n wōond yamā t'a rīkd a sorā, rēnd dīin yoodā rāmba, b ratame tī ninsaal bas a yamā la a pug bāmba, la lslaoongā, a ratame tī ninsaal nek a yamā sēn na yul n bāng yelā meng hakukā wala b sēn sīd yaa to-to wā.

39- Lslaoongā zisgda bāng sōngo, la a leb n pīrsd bāngr pēesgo, pēesg ning sēn lak n yī yōor yamleogā, la a boondē n tugd tagsngesga la tagsgo tōnd mengā pugē, la bōnnaandsā sēn be tōnd kirengā, la bāng sōng ning sēn zemsd ne lslaoongā.

40- La ad Wēnd ka reegd tuumde, A leb n ka kōt yel-sōmd a pugē yaoolem raarā sā n ka mikame tı yaa ned sēn kō sıd ne Wēnde la a

tū-A la a kō sıd ne A tēn-tuumbā -puusg la tulgr be b yīnga- A leb n ka reegd tūud-rāmbā sā n ka būmb ninga A sēn tuk n kō-ba ye. Rēnd na n yu wān-wāna tu ninsaala kıfl ne Wēnde la a tēed t'A na n kō-a la keoore? La Wēnd ka reegd ned baa a yembr sıd-kūuni sā n ka mikame t'a kōo sıd ne nabiyaam-rāmbā fāa gill ye, -puusg la tulgr be b yīnga- la a kō sıd ne a Muhammad tēn-tumdā, Wēnd puusg la A tulgr be a yīnga.

41-Ad Wēnd tēn-tumā fāa gilli, b raabā yaa: tı dīin sıdā zēk ninsaala t'a yı yamba sēn welg toore ne Wēnd A Yembre sēn yaa bōn-naands Naabā, la b yidg-a n yi ninsaalba yembdo, maa arzeka maa rog-n-mik yembdo, rēnd lıslaoongā yaa wala fo sēn ne wā, a ka yulgd neb n zēk-ba n yug b zīigē wā ye, a ka maand-ba tı b yaa wēnd-rāmba la soab-rāmb ye.

42-Wënd tuka tuubgā sore lislaoongā pugē, yēnda me la ninsaal sēn na n lebs a menga a Soabā nengē la a bas zunuuba maanego, la lislaoongā a wurda būmb ning sēn renga taorā fāa sēn yaa zunuub-rāmba, la tuubgā sūkda būmb sēn rag n reng a taorā, sēn yaa zunuub-rāmbā, rēnd ninsaal ka tar tulsem n na n reeg a zugē ne yē tuum tuuti wā ninsaalb taor ye.

43- Rēnd yaa lislaoongā puga la tōk-n-taarā yita ninsaal ne a Soabā suka turga, ti ka tar tulsem ti ned baa a yembr zīnd yē ne a Soabā suk ye, rēnd lislaoongā gidgdame ti b wa tug n rik nisaalba ti b yaa soab-rāmba, maa b yaa lagem-n-taase ne Wēnde, A naanegā pugē maa A Soabendā maa A wēndlemā pugē.

44- Seb-kāngā baasgē wā, d tēegdame ti ad nebā b zāmaan-rāmbā sēn yōs-taaba la b

tēmsā yōs-taabā la b buud-rāmbā halı n tug n tāag ninsaalbā mensā fāa gilli, b yaa sēn yōs taaba, b tagsā wεengē, la b tulsemā, n leb n yōs taaba b zī-zīidsē wā la b tuumē wā.

Rënd sã n yaa woto, a tara tulsem wusgo, n tugd pæegda sën na n togl bãmba, la na-këndre sën na n tigim bãmba, la buuda sën na n gũ-ba, la tẽn-tuumbã sën yaa waglã -puusg la tulgr be b yĩnga- bãmb n yãs ne yel-kãnga, ti yaa tẽn-tumd sën yi Naab A Wënd nengẽ - A Naam yulgame- n peegd nebã n tugd sõma sore la kãndagre, la b tigimd-ba Wënd Šari wã zugu, la b buud b suka ne sıda, ti b yelã yaa sën tæegd turga wala bãmb me sak-n-tũ tẽn-tuumbã tæka, la b wakatã me pënegr ne Wënd tẽn-tuma, la Wënd pidsa Tẽn-tumã ne Tẽn-tuuma a Muhammad -Wënd puusg la A tulgr be a yĩnga- Tẽn-tumdã, la A bu t'a kelle n pa,

la A maan-a t'a yaa kãndagre ne nebã, la yolsgo, la vëenem, la peegre n tug sor ning sën taasd Wënd nengẽ wã, A Naam yulgame.

45- Rẽ yĩng n kite, ti mam boond foom a ninsaala, ti f yik n yals ne Wënde, yalsg sidsıda, n foog f meng n bas togs-n-taare la rogm-miki, la f bãng ti ad fo kũumã poorẽ, f na n leba f Soabã nengẽ, la f ges fo mengẽ wã la

ween-n-vugā sēn be fo kuremsā, bi f sak n tū, tu
ad f paamda zu-noogo f dūni wā pugē la f
Laahrā pugē, la fo sā n tull n rat n na n kē
lslaoongā ad ka be ne foom sā n pa f (maan
kaseto tu soab sēn na tū n tulg ka be, rēnda
Wēnde, la a Muhammad me yaa Wēnd Tēn-
tuuma) la f zāag f menga n yi būmb fāa b sēn
tūudi zēng tu ka Wēnde, la f kō sūda tu ad
Wēnde A na n yika neb nins sēn be yaadē wā,
la f bānge, tu ad Geelgā la Rolbā yaa būmb sēn
yaa sūda, rēnd fo sā n maan kaset-kāngā, fo
lebga lsilaama, rēnd bee ne foo rē poorē tu f tū
Wēnd ne A sēn maan Šari ningā, sēn yaa
Puusgo, la Zak yākre, la no-loeere, la hagiimdu
tu f sā n paam sor n na n tug beenē.

**Yãwã yaa sebrã buk sãn yiisi, wakat: 19-
11-1441**

**Yaa karen-saam bedrã a doktor
Muhammad Ibn Abdullaah Assuhaim n
guls-a**

**Yaa loεεgã (Wënd yembgã) bãngr karen-
saamb (kudre) lslaoonga karengã buk
zĩigẽ.**

**Wubrã Karen-doogẽ, (Fakilte) naab a
Su'ʿud karen-do zakã (Iniversite).
Riyaade, Arabi Saoodit tẽngẽ wã**

Get to know more about Islam

in more than
100 languages



موسوعة الأحاديث النبوية
HadeethEnc.com



Accurate translations of
Prophetic Hadiths and their
explanations in more than
(60) languages.



بيان الإسلام
byenah.com



Selected materials to
introduce and teach
Islam in more than
(120) languages.



موسوعة القرآن الكريم
QuranEnc.com



Accurate translations of
the meanings of the
Quran in more than
(75) languages.



موسوعات وخدمات إسلامية باللغات
s.islamenc.com



For more websites
in world languages
(s.islamcontent.com)



مكتبة المحتوى الإسلامي
islamcontent.com



Various and comprehensive
Islamic materials in more
than (125) languages.



ملائمة أطفال المسلمين بحمله
kids.islamenc.com



Questions and answers for
Muslim children and public in
more than (40) languages.

جمعية خدمة المحتوى
الإسلامي باللغات



جمعية الدعوة
وتوعية الجاليات بالربوة





978-603-8442-97-5



Mos271